



明善堂詩集卷二十七目錄 庚辰

元日試筆

同樂園元夕侍宴歸賦燈詞六首

仲春二日訪韶九不遇既歸以詩報余次韻  
答之

仲春至園偶興

落花四首

清明入直禁中口占

燈下走筆答韶九並索其和四首



初夏韶九以冷香亭詩見贈因題其後二首  
內直謝友人贈果

夢

送外舅使禦保府

園中月夜書寄同懷二首

不寐口占

雨後園中閒適

夜雨用韶九夏日雜咏韻四首

秋夜

中元夕宿直東內

初秋過秀岩方丈和壁間 紫瓊叔韻

再和 廿一叔登五華閣韻兼贈秀岩

塞垣馬上口占贈謝履吉

早行

塞上全四兄祝

母妃千秋

塞上咏月

塞垣秋月

塞上贈尹涵亭

秋明兄賜茶

塞上十五夜月索涵亭和

萬柳堂昔廉希憲趙文敏咏歌清讌命姬人

度曲侑觴至今傳為佳事今有人云於月

夜見靚粧女子徘徊橋畔口吟石橋流水

似當年之句即之不見時余扈從

木蘭與履吉偶論及此口占以紀

將出木蘭

和人感懷韻三首

塞上山行咏雪和韻三首

題椒亭墨蘭和涵亭韻

塞上題徐生畫

塞上初歸同雲亭涵亭雅集四宜齋

西軒待尹涵亭

待梅

盆梅初放喜東同志即和來韻四首

和雲亭冬夜元韻

寄情東韶九

雨林雲亭並有恙不果赴約因再賦詩招之

兼示涵亭

冬日過鏡齋兄弟仝尹潤齋樹亭椒亭觀劇

二首

臘前仝鏡齋兄潤齋樹亭椒亭涵亭過四宜

齋看梅西軒觀劇二首

和瓶中蠟梅原韻

冬夜喜涵亭贈魚鱗滄醪因賦二絕以謝

燈下走筆和涵亭贈梅韻四首

西軒對雪有憶咏梅諸友

前題再成長歌

明善堂詩集卷二十七

庚辰

元日試筆

春轉洪鈞動千門曙色明屠蘇頌內史辛菜薦春  
卿花媚書雲候人邀侍宴榮堯莫逢始日泰運六  
階平

同樂園元夕侍

宴歸賦燈詞六首

鈞天樂奏萬方春火樹燈輪接日新

每於山高水長處看烟火

更奏龜茲新樂府虞廷百獸舞華茵

是日演新投回人部樂百

璀璨烟光寶樹繁是夜觀慶豐圖燈會鳴珂此夕荷

隆恩春風角觝東西極也向堯階獻

至尊觀厄魯特角觝戲

月鏡交輝素彩流攢星閣下擊銀毬莫誇當日傳

柑勝王會新添貢玉州連夕張燈觀劇回部亦多在坐

御爐香靄靜無塵拜首彤庭漏正頻歸路但思聞

闔麗不知燈火簇蹄輪

黯黯城上鐘初動每至禁門始定更緩轡天街爆竹騰月

照九衢飛白練踏歌聲裡一天燈

入門笑語聲如許洗盞華堂寶炬明已聽九天新

法曲人間不數繞梁聲

仲春二日訪韶九不遇既歸以詩報余次韻

答之

碧雲深處訪君來惆悵東齋對落梅新句忽傳春  
樹外可知都尉是仙才

仲春至園偶興

漠漠春雲釀輕寒薄綺櫳針蒲初刺水線柳欲牽

明善堂詩集 卷之三十一 二  
風春事已如此閒情孰與同閉門一尊酒靜待杏  
花紅

落花

狼藉殘陽下碧墀還看飄蕩冒遊絲留春不住將  
歸矣逐水無情任所之冉冉餘香侵屐齒紛紛紅  
雨點陂池參差滿樹皆新綠賸有流鶯繞舊枝

其二

露濕燕支滿地凝顛風何事更相凌翠添屋角叢  
叢發紅隕枝頭處處仍金谷飄零稀客賞玉欄寂

莫爲誰凭年年春暮多惆悵欲化莊生夢未曾  
其三

雨過花叢數落英愛吟佳句聽無聲殘芳細檢香  
猶在瘦影臨窻夢欲驚從此深閨人晏起更誰夜  
月客飛觥黃蜂紫蝶渾無賴乳燕鳴鳩空復情

其四

無限芳菲眷落暉枝頭唯見綠陰肥續紛夾岸迷  
漁父縹緲隨波咏洛妃舞榭迴風揮翠袖紅樓夜  
雨濕霓衣韶光九十須臾事一任狂華滿目飛



清明入直禁中口占

雨霽天凝碧春風滿禁城  
賣餠聲不斷時節正清明

雲霞烘禁籞殿角見山容  
未啜桃花粥先教詩興濃

龍池楊柳嫩眠起帶輕烟  
蹀躞堤邊馬波搖七寶鞭

綺窓遲日暖花氣正薰人  
晝靜簾初捲千門總是春

燈下走筆答韶九並索其和

養花天氣絕輕埃取次東風爛熳開  
折得數枝隨東寄惜春詩句暗相催

石泉榆火一時新底是東坡句有神  
修禊正逢新雨後不知春色屬何人

飛花和雨點湘簾多少吟情到筆尖  
春草池塘驚遠夢窓前新綠一時添

紅藥翻堦映史編翠筠繞屋與悠然  
長廊夜夜燒銀燭好與花仙伴醉眠

初夏韶九以冷香亭詩見贈因題其後

午鐘喚夢倦雙眸旋撥爐香試茗甌珍重貽來冰  
雪句松風亭下憂鳴球

香到梅花韻有餘冷雲侵硯伴瓊琚清吟曾入羅  
浮夢桃李漫山總不如

內直謝友人贈果

綺窻玉砌近蓬萊帖撫林檎午夢回瑪瑙盤中朱  
實滿月明疑有故人來

夢

遽然一枕怯春寒花影沉沉月影殘異境引人剛  
有得仙山變態倏無端任他蕉鹿人間幻誰解醯  
雞甕底看夢亦成真真亦夢本來四大總空觀

送外舅使禦保府

擁衛鳴鑣出

帝畿忻言

聖主宥前非雨從北至清官道風自南來颺翠旂

天府當關傳古語軍門執策壯新威保陽貔虎如雲  
集賭墅投壺任指揮

園中月夜書寄同懷

夜涼如水浸虛空疑御冷然列子風萬丈秋河低  
遠樹不知身在月明中

玉蕊香殘露氣微花陰深處掩朱屏知君愛此眠  
應晚吟到清輝玉漏稀

不寐口占

更深園裏月樹杪亂縱橫影向湘簾入涼從冰簟  
生

雨後園中閒適

十畝山莊半畝池看花撫樹愛晴時獨憐蠟屐緣  
何淺不得名山徧所之

夜雨用韶九夏日雜咏韻

鸛飛小埵暮雲生風滿書樓暑氣清遠樹捲簾渾  
不辨金蛇掣處澗泉鳴

夜深庭館靜無譁雨作新涼透碧紗燈下幽香含  
潤澤紛紛開遍素馨花

玉軫何勞絃上聲看書遙接古人情沉沉四壁縈  
蛛網簷溜丁丁對短檠

愛閒耽靜似山家石鼎青烟一道斜不用坡公調  
符竹天泉至味試新茶

秋夜

蟲聲唧唧月垂鉤玉宇涼生大火流露冷芙蓉干  
里夢風敲砧杵一天秋雕梁無語燕如客銀漢初  
斜人倚樓一枕匡床眠未得披襟獨坐聽更籌

中元夕宿直東內

禁鼓初傳夜未闌橫斜銀漢漏聲殘月華只隔重  
城夜一樣清輝兩處看

初秋過秀岩上人方丈和壁間 紫瓊叔韻

松藤繞屋發秋花古木疎篁一徑斜僧以能詩似  
齊己我因問道竟忘家心清十笏閒揮塵塵遠雙  
林索煮茶門外祇容陶謝迹軟紅飛不到袈裟  
再和廿一叔登五華閣韻兼贈秀岩上人

五華高閣妙香聞勝地招余不厭頻香染天花飛

化雨鐘敲遠岫送歸雲昔隨杖屨尋佳句今對銀

鈎續舊文昔從紫瓊叔倡和於此俯仰秋空景如昨翠篁深

處又逢君

明詩彙言詩集 卷之二十一  
塞垣馬上口占贈謝履吉

誰似先生載筆隨  
據鞍顧盼騁班騅  
振衣萬仞峯頭立  
兀自摩挲讀古碑

早行

秋霜被穹廬  
秋雲啣塞嶺  
鳴鏑逐麇麇  
匹練互馳騁

塞上全 四兄祝

母妃千秋

白雲藹藹是蓬萊  
引領西南獻壽杯  
未化雙鳧暫

歸省碧空無際雁徘徊

塞上咏月

寒蟾飛塞上  
漠漠陣雲收  
野濶清輝淡  
山空露氣稠  
角聲飄萬里  
弓影落三秋  
羌地霜威早  
征人已著裘

塞垣秋月

羶帳排秋日  
蒼茫悵遠神  
微霜寒入夜  
孤月冷侵人行役  
歌遊子

高堂念老親  
御風思陟屺  
遙望石嶙峋

塞上贈尹涵亭

天仗秋山倚翠嵐，驅馳龍塞昔曾諳。臯皮列坐論

文，夜師魯清風入妙談。

尹洙字師魯，宋名臣。

秋明兄賜茶

棣萼情深樂且耽，追隨豹尾攬行驂。分來顧渚

春江味，得似秋空湛露甘。

塞上十五夜月索涵亭和

森森霜氣白如縑，東嶺俄看玉鏡銜。行殿風雲秋  
正肅，征人笳鼓夜方嚴。弓懸千帳月初滿，雁過三

山書未緘，此夕君詩多至味。當於世外得酸鹹。

萬柳堂昔廉希憲，趙文敏咏歌清讌命姬人。

度曲侑觴至今傳，爲佳事。今有人云於月夜

見靚粧女子徘徊橋畔，口吟石橋流水似當

年之句，卽之不見時，余扈從

木蘭與履吉偶論及此，口占以紀

萬柳堂前景物賒，玉人錦句隔烟霞。不知獨步微

吟者，曾是當年解語花。

解語花卽歌姬劉氏也。

將出木蘭

明善堂詩集 卷之二十七 九  
岳樂佳名列塞岳頻探靈境勒征銜

翠華駐蹕溪山勝

層濤飛騰龍虎瞻魚麗乍收如退鷁螯弧初動似歸  
帆三驅止武歌朱鷺草木欣榮萬物咸

和人感懷韻

西風颯颯動鳴笳寥泐長空雁影斜落日滿天雲  
影亂秋岡凭眺盡霜華

別來三見月鉤新永夜難忘

白髮親想亦深閨

理刀尺擣衣辛苦寄征人

秋老丹楓十月初霜寒木落渺愁予夜深氍毹燈

添穗朝接封函兩字書

是日得平安家信

塞上山行咏雪和韻

貂裘驄馬踏岩阿雪意山容引興多詩思輸他驢  
背上隴頭春色費吟哦

滕六霏霏正暮秋玉峯截嶮冷風颼獵回毡帳寒  
砭骨卽取清醅對雪酬

芄野西風動暮笳關雲隴樹思無涯故園空作菜  
囊戲辜負東籬陶令花

題椒亭墨蘭和涵亭韻

九畹名花淺淡妝墨痕宛欲擷餘芳淋漓滿幅垂  
秋露雅稱詩人製芟裳

塞上題徐生畫

一幅生綃豁遠眸嵐光樹色抱山樓烟霞深處懸  
圖畫犖嶮行勝勝臥遊

塞上初歸同雲亭涵亭雅集四宜齋

四圍風色勁客至促開樽木以經霜飽人如挾纊  
溫盍簪多雋又揮塵接清言剪燭襟懷剖情深儼

季昆

西軒待尹涵亭

叉手閒吟倚畫屏香清茶熟一燈青不知遊屐經  
何處翹首空瞻屋角星

待梅

美人林下報新粧消息初傳度暗香竹几紙窻清  
絕處微吟淺酌伴昏黃

盆梅初放喜東同志卽和來韻

佳句雲藍絕點塵銀鉤奕奕墨痕新香含屈宋風



明善堂詩集 卷之二十七 十一  
流甚可與梅花作主人

開到孤芳韻自幽歲寒相對可忘憂嶺頭更有閒  
風月清興輸他猿鶴儔

坐擁紅爐獸炭圍春光幾點洩空帷誰能得似江  
南客手拗寒香插帽歸

暗香生處月勾留碧瓦凝霜夜氣稠  
氈帳猩帷偏旖旎湖光山色也風流

和雲亭冬夜元韻

白社因緣喜再逢地爐煮茗話初冬  
吟殘藝苑三

秋雨聽徹經樓午夜鐘江海爲懷真浩落雲霞結  
想自春容黃花開後稀佳會未免於今詩興慵

寄情東韶九

沉沉院宇風初息裊裊爐薰睡起慵  
十二朱欄閑立遍夕陽無語下高春

雨林雲亭並有恙不果赴約因再賦詩招之  
兼示涵亭

有約客未至吟懷花滿軒遣疴劉庶子消渴馬文  
園勝事期樽俎新詩共討論擘箋重促駕掃徑待

諸昆  
冬日過鏡齋兄第全尹潤齋樹亭椒亭觀劇  
筵前紅豆度新詞檻外迴風舞絮遲座有周郎時  
顧曲引商刻羽妙如斯  
弟勸兄酌各盡觴主賓交易滿華堂梨園小部翻  
新意在昔龜年莫擅場

臘前全鏡齋兄潤齋樹亭椒亭涵亭過四宜  
齋看梅西軒觀劇

江梅消息傳幽徑標格從來最瘦癯未必西園能

勝此龍眠圖自欠工夫

蓓蕾初開別有情重簾深護暗香生笑余漸老判

花筆風月而今讓尹卿

潤齋即席  
和余前作

和瓶中蠟梅原韻

鐵骨檀心爾獨能禪龕雪案韻偏勝鉛華却換黃  
金色靜裡寒香伴佛燈

冬夜喜涵亭贈魚鱗滄醪因賦二絕以謝

香醇仙釀碧葡萄得得携來興自豪便欲與君同  
泛棹左持杯竿右持螯

明善堂詩集 卷之二十七  
三  
簾外風吹雪意濃短檠相對自雍容詩成却憶滄  
洲客一酌流霞醉碧峯

燈下走筆和涵亭贈梅韻

梅花吟句費工夫欲擬寒香孰似乎好是綺窓新  
有月可曾解語破顏無

冰姿應占百花先酌酒相酬春色妍我欲品題吟  
麗句南枝香比御爐烟

羅浮仙子最清臞雲護瑤階月掩襦珍重莫教吹  
玉笛天寒翠袖影還孤

黃昏纖月照銀鈎爛熳春光不可留翠幕深藏風  
料峭更容殘夢到羅浮

西軒對雪有憶咏梅諸友

同雲壓樹鳥驚飛傾刻西峯失翠微鴛瓦參差銀  
作屋虬松偃蹇玉成圍光凝素魄猩幃冷香滿瓊  
枝綠萼肥我欲擘箋徵郢曲旗亭豪興定無違

前題再成長歌

北風蕭蕭雲布濩瑤英歷落穿林度如鹽如絮劇  
霏霏碧瓦朱甍初着堊捲帷披氅倚西楹西崦橫

斜紛積素爬沙窳率點雲窓淅瀝紛糅綴瓊樹誰  
其更作黃竹歌興來欲續梁園賦江頭漁父失漁  
磯山間樵子忘樵路九重雲物屢徵書三輔倉箱  
富禾秣天遣滕六勦遺蝗麥秀兩岐歌五袴

明善堂詩集卷二十八目錄

辛巳

新正雪後試筆

和卞幽畚元旦試筆韻

花朝後三日西軒仝丙子對雨偶成

雨後逢雪再成四首

雪霽西軒遙望喜成一律

壽丙大兄

贈張監六十

至園夜雨

夏日閑園偶興二首

夏日園居好二首

瓶花

烹茶

調鶴

飼魚

自題荷花扇贈內弟

園居夜月五首

秋日西軒卽興

重陽喜秋明四兄贈菊酒佳肴口占奉謝二首

重九後二日禁庭宿直和韶九韻

澹圃卽景聯句

雲林書屋晚坐聯句

秋燈

秋雁

秋葉

答韶九七表弟

明善堂詩集 卷之二十八 二  
暮秋西軒偶興索友人和

題紅葉

夢中偶吟截句既醒書之

初冬月下口占

喜雪

雪中和蔗洲來韵二首

明善堂詩集卷二十八 辛巳

新正雪後試筆

瑞色盈庭砌椒盤獻頌新和風舒陌野晴雪點池  
濱爆竹辭殘臘梅花事早春慶雲佳氣滿絲筆紀  
芳辰

和卞幽畚元旦試筆韻

清時萬彙樂春熙况值堯階舞戚時紀瑞已徵周

太史歌功還詠栢梁詩

栢梁詩云日月星辰和四時今歲太史奏元旦五星

聯珠日  
月合璧

明言堂詩集 卷之二十八  
花朝後三日西軒全內子對雨偶成

簾護春寒香霧重  
拳帷時雨幸三農  
綠凝芳草含

情淺紅點天桃潤  
色濃襪襖社翁占  
歲稔適值社日鋤

犁田父慶時雍  
西軒同賞風光好  
無限韶華爾我

共

雨後逢雪再成

濃陰數日雲垂幕  
纔換春衣又怯寒  
黃柳夭桃都

未坼誰教庭樹着  
冰純

不妨幽處漫相加  
雨後遙山半未遮  
羸得當前好

景色杏花枝上綴  
梅花

初回午夢靜吾廬  
簾外寒輝積玉除  
堪笑兒童亂

相擬何來飛絮太  
紛如

旋疎旋密影翩翩  
曲沼方塘任意填  
寒入書幃憑

仗酒醉看雲濕暮  
春天

雪霽西軒遙望喜  
成一律

半窓雨雪喜新晴  
西望遙山素影橫  
幾疊玉巖藏

黛色數枝琪樹露  
春榮光依谷口寒  
猶歛泉滴溪

頭韻亦清饒我開  
襟當爽氣西軒雲  
物不勝情

明善堂詩集 卷之二十八  
壽內大兄

春光如綺敞瓊筵公子芳年過我年寶鼎焚香同  
馥馥花枝弄影自蹁蹁秦簫雙奏聯霄鳳大兄有賢妻美  
妾華嶽齊開並蒂蓮欲借霞觴遙祝爾如山如阜  
正綿綿

贈張監六十

喜爾辛勤久於今絳甲聞同儕爭遺酒携杖合鄉  
文淡過凌霜菊閒全出岫雲老成誰得似矍鑠迥  
超羣

至園夜雨

天衣雲一桁布濩掩疎星驟雨來山徑輕烟結翠  
屏晚涼初浴罷欹枕夢魂醒玉漏同簷滴脩脩滿  
戶庭

夏日閑園偶興

閑把綸竿度晝長雨餘濃綠滿方塘心清喜近鷗  
翻處風動新荷五月涼  
一雨園林寂不譁蓼汀深處隱鳴蛙暗香何處通  
幽境別院初開茉莉花



夏日園居好

夏日園居好晨興盥漱餘境幽多意趣人靜見清  
虛坐對栖梁燕行看唼水魚綠陰堪避暑雅興自  
如如

夏日園居好肩輿退食回松陰雲滿地草色綠成  
堆花影篩湘簾香清戰茗杯偶來隨鶴步携杖獨  
徘徊

瓶花

軍持供淨几汲水貯名芳硯北標奇勝窓中結妙

香寄情惟好句相賞對清觴底事維摩室天花作  
道場

烹茶

玉泉傳勝地脩綆汲清流活火纔三沸雲腴注一  
甌幾時藏麥果此日解釵頭任爾嘲風景花前興  
頗幽

調鶴

刷羽沿溪立清音達九臯乘軒非所志從宦亦徒  
勞警露知時節穿雲藉羽毛閒吟招隱句野客太

情高

飼魚

消閒臨曲沼遣興飼遊魚競食波搖岸跳珠碧濺  
裾錦鱗穿荇藻修尾動芙蓉微物知人意洋洋每  
顧予

自題荷花扇贈內弟

玉井峯頭第一枝囑君應贈美人持芙蓉樓畔垂  
楊下馬上相逢障面時

園居夜月

一更園裏月羣動漸無譁乍向高樓見林深集晚  
鴉

二更園裏月水竹夜清虛何處吹羌管風前楊柳  
疎

三更園裏月當午玉繩低松影圓如蓋寒蟬夜半  
啼

四更園裏月流影下迴廊雲際雁聲遠池塘冷度  
香

五更園裏月星淡失南箕鄰寺鐘初動餘輝在水

湄

秋日西軒卽興

流光彈指又深秋晴色西軒好放眸學圃試栽菘  
百畝飽霜惟種橘千頭詩成笑共妻賸和酒熟閒  
招友勸酬隨分而安知自足閉門高枕復何求

重陽喜

秋明四兄贈菊酒佳肴口占奉謝

芳鮮美醞喜分甘佳節登臨欲並驂遠勝白衣傳  
韻事提壺空擬到城南

不須絲竹載吳船何必風流落帽顛嘉會此時多

少興孔懷把酒思悠然

重九後二日禁庭宿直和韶九韻

新晴暮雨墮殘陽禁闥頻生袖履香佳節已虛陶  
令社看書喜厠紫琳房觚稜月上閑青瑣陞戟星  
明靜畫廊此際漏聲聽未寢試拈筠管和前章

澹圃卽景聯句

雲林景物最涵清

韶九

望裏秋山翠黛縈岸幘嘯

歌楓未落

蕪洲

憑欄目送雁南征生憎弦管撓清

興

秀亭

甚愛吟詩作主盟他日繪圖成故事

韶九

前賢何獨擅佳名

蔗洲

雲林書屋晚坐聯句

瓊瓏月色照雲林

韶九

刻燭聯吟夜影沉風定幽

花藏睡蝶

秀亭

霜飛錦樹集棲禽薰爐結篆縈琴

薦

韶九

明鏡凌空聽杵砧欲寄絲雲無覓處

秀亭

美人秋水意何深

韶九

秋燈

風定清光映畫廊熒熒孤焰伴更長  
星明露冷不知曙助我書堂一味涼

秋雁

浙瀝商飈振沙磧參梢夜雨宿蘆汀  
雪盈羅不憚吳山遠寫破遙天萬里青

秋葉

孱顏幾叠寫荆關點染秋林照水灣  
一夜青霜飛樹杪滿山濃翠盡爛斑

答韶九七表弟

猩幃日下已初冬秣馬膏車何處逢  
美爾沆雲書閣裏月華詩思澹溶溶

暮秋西軒偶興索友人和

暮秋新霽後暝色歛遙岑斜月窺虛閣寒風送遠  
砧雁行橫碧落蛩語絮桐陰濯足思湘漢丹楓已  
染林

題紅葉

滿山斜葉似猩紅霞彩遙添夕照烘乘興更須携  
蠟屐彤牋應索杜陵翁

夢中偶吟截句既醒書之

吟鞭未敢叩朱扉縹緲穿雲入翠微水態山容人

跡少天風吹送馬蹄歸

初冬月下口占

水月漾清輝空涵若冰雪卽此悟無生團圓可共  
悅

喜雪

積素盈堦踏玉塵阿誰掃巷喜迎賓粉垣忽訝新  
如聖碧瓦俄看色作銀竹葉漫傾劉氏酒梅花應  
勝党家人由來共識豐年瑞會有詞臣頌

紫宸

明善堂詩集 卷之二十六  
雪中和蔗洲來韻

朝慵閉戶畏嚴寒一枕匡床意覺安獨有蔗洲最  
瀟灑懷人偏喜雪漫漫

清聲浙瀝壓松枝六出紛紛宿麥滋啟牖一尊延  
白戰遲君矍鑠賦新詩

明善堂詩集卷二十九目錄

壬午

立春日示珩琅曼三子

春日晤汪易堂

暮春於澹圃看桃花和蔗洲韻四首

春夜寄友二首

奉

母如賞花再集靜嘯軒

題筠庭詞後兼步星巖韻二首

小詩送筠庭往鎮伊犁用以誌別

題青雷畫

初夏漫興

四月望後時雨初晴同汪易堂西園登眺望  
西山霽景卽和易堂韻

咏木香

梅雨初霽木香盛開折呈

經畚主人廼承

雅意命朱青雷補繪橫枝一幅各題佳句見贈  
洵韻事也因書卷尾二斷句

倒和連環

次

經畚主人詠歸雁韻二首

和汪易堂西苑道中雨晴元韻

園居步月索易堂和

閑居消夏索易堂和十首

和易堂園居步月韻

夏日偶吟示易堂

和汪易堂月夜原韻

明言堂詩集 卷之二十九  
秋明四兄五旬詩以祝之

雨霽納涼和易堂韻

題畫冊五首

和蔗洲韻四首

偕秀厓上人易堂泛舟園中卽事次秀厓韻

瓶蘭

蘭二首

瓶荷

荷二首

初秋早起池上

題李振文詩卷

冬夜有感

題蔣氏錢孺人節孝

對雪次易堂謝墨韻

和易堂長至前一日雪霽韻

題盆中小松

晤李振文孝廉示易堂

和張雲汀冰床韻卽題其後卷二首



明善堂詩集卷二十九

壬午

立春日示玗琅曼三子

今日正初春盤中薦五辛雪飄占歲稔時阜自天  
申綵勝盈朱戶金花列錦茵雁行欣有秩學禮更  
知新

春日晤汪易堂

閑坐芳園風度香遲遲春日漸舒長鸚傳煮茗日  
當午正晤汪生號易堂

暮春於澹圃看桃花和蕙洲韻

明言堂詩集 卷之二十九  
膏雨敷朱已十分花鬚柳眼正紛紛更延枚叟開  
芳讌不覺高吟到暮曛

何似春江第一枝舞衫歌扇手重披風流宛似秦  
淮好莫漫飄零逐浪移

一抹晴霞結暮烟紅酣綠鞞最嬌妍小窻不用聞  
絲竹自酌流霞勝舞筵

日暮吟成倒玉山春光九十破愁顏莫須誤認仙  
源路亂點胭脂水一灣

春夜寄友

搏髀彈箏擘阮絃

是日演秦聲  
夜復南詞

為歡况值早春天

遲君莫負今宵景秉燭還應效昔賢

雅調清歌月墮時春寒輕籠碧桃枝浪淘千古詞

雖好不及風情楊柳詞

聽東坡赤  
壁之詞

奉

母妃賞花再集靜嘯軒

春融花暖競芬芳喜得

慈顏樂且康最是板橋重過處竹苞松茂繞書堂

題筠庭詞後兼步星巖韵

紅豆輕拈綺繡揚清才豈獨佐巖廊六么絃奏清音遠譜出新詞字亦香

風雪旌門昔建牙饒歌朱鷺雜箏琶邊聲一夜吹寒月旆帳如聞蔡琰笳

仲春送筠庭往鎮伊犁用以誌別

折柳長征杖節旄將軍大旆擁弓刀 恩承奕葉勲名重澤布遐陬志畧高萬里開疆勞馬足六鈞底定藉戎弢驪歌重叠難為別淚灑清樽濕錦袍

題青雷畫

蘿薜垂高枝重巒望中迥梵唄響空山一龕燈耿耿

初夏漫興

一春花事已闌刪又值清和景物閒落絮簾前風冉冉飛英檻外水潺潺穿林紫燕蹁躚舞擲柳黃鸝睨睨還梅雨晴時天氣好西峯遙露半烟鬟

四月望後時雨初晴同汪易堂西園登眺望

西山霽景卽和易堂韻

一雨凝朝靄澄輝物象鮮登臨挹岫色注目矚巒

烟散步晴莎軟披襟茂樹連遙山濃染黛纖柳態  
 聯娟地脈雄千襖朝宗滙百川雲中分北貉督亢  
 接南燕天府開雙闕神京壓九邊鬱葱三輔列環  
 衛百靈躔覽勝宜雙屐尊芳適小軒澄懷消永日  
 賡唱喜忘年共指晴明境都成圖畫懸藝蘭欣結  
 社種玉喜成田我樂棊樽伴人看度陌阡

園中種  
麥作田

野長吟當首夏梅熟雨餘天

咏木香

蓓蕾側離披青條帶露垂不隨穠李艷差勝素馨

姿粉態情元淡清芬韵自奇臨風搖曳處宜譜雪  
 兒詞

梅雨初霽木香盛開折呈

經畚主人迺承

雅意命朱青雷補繪橫枝一幅各題佳句見贈  
 洵韵事也因書卷尾二斷句

初晴梅雨浥芳塵開向籬邊曉露新折贈反邀君  
 雅意瑤章粉本兩傳神

妙手清裁倩寫生剡藤滑笏一枝橫案頭不用燒

明善堂詩集 卷之二十九  
沉水花氣詩情比杜蘅

倒和連環

風微露冷月娟娟環佩空歸意黯然楊柳清歌非  
舊日石橋流水似當年

蟾影清清凝望處微步凌波自來去石橋流水似  
當年梵宇沉沉鐘欲曙

粉蝶殘霞結暮烟石橋流水似當年誰將化鶴歸  
華表唯有沙鷗相背眠

石橋流水似當年往事風流近日蠲欲折荷花吟

七字玉鳧金雁鎖寒烟

次

經畬主人詠歸鴈韵 二首

桃花浪暖度衡陽楊柳風微返北鄉曉霧籠沙迷  
朔漠晚烟漁浦夢瀟湘春波漫衍魚龍字瑤島班  
聯鷓鴣行我欲援琴賡古調晴空噤噤興偏長

一一銜蘆亦解謀數聲叫破旅人愁雨深戢翼棲  
沙浦風勁呼羣過白溝幾處金笳催大漠一聲玉  
笛傍高樓天衣漫誌碑中語雲影禪心幻碧流

右秋

雁用米海嶽天  
衣碑懷公語也

和汪易堂西苑道中雨晴元韵

千章夏木望中齊  
杳靄烟光鎖碧溪  
分浪遊魚爭撥刺  
啣泥翔燕舞高低  
亂翻雲脚雨歸岫  
無限夕陽風滿堤  
知爾耽吟閑指點  
綠陰門巷句重題

易堂

路經海淀  
筠庭別墅

園居步月索易堂和

起步中庭月松梢露清迥  
長笛寫悲涼人在菰蒲  
町

聞易堂  
吹笛

新茗煮玉泉味與醍醐等  
澄波澹空明

寄興泛烟艇

閑居消夏索易堂和

隔波石徑仄縮版架橫  
杠野鶴漁磯立丹砂影自  
雙

守分勉童僕安樂對妻子  
退食自雍容心閒清似  
水

西峯銜半景小坐藉漁舟  
自少風波意何須江海  
遊

盆榴花艷艷梁燕語喃喃  
更好新晴後遙峯潑翠

嵐

午夏臥閒堂筠簾透松影冉冉風度香心清塵慮

屏

俯鑒碧潭清一雨襟抱爽挹彼山際雲注此天容

廣

軒窻面面開時有薰風送垂柳碧於絲一枝蝸始

美

片雲倏開合半失溪邊樹蕭蕭白雨來驚起蘆汀

鶯

荷葉大於槃菡萏發紅玉乘閒凭曲欄欲看鴛鴦

浴

愛此夏日長披襟清興發匡床自徜徉呼童櫛元

髮

和易堂園居步月韻

涼颼吹柳岸步履水灣環山色晚逾碧蒼髯高可

攀月光涵上下雲影任飛還羌筵知何處清音古

木間

夏日偶吟示易堂

明善堂詩集 卷之二十九  
西峯雨過黛烟橫滿院桐陰綠正盈翡翠飛來復  
飛去鶉鳩呼雨又呼晴蛙鳴兩部汀蒲長鶴唳一  
聲天宇清靜臥匡床人意遠鉤輞山鳥不知名

和汪易堂月夜原韵

晚峯晴色接蒼旻染徧烟螺雨後新小板橋頭花  
掩映枳籬屏外水漣淪松間孤月堪爲友檻畔羣  
山可作鄰垂柳陰中橫釣艇儼如汀浦釣魚人

秋明四兄五旬詩以祝之

滿泛流霞酌玉卮升堂無以祝兄詞筵間色笑

金蕙茂膝下崢嶸珠樹奇學本東平惟好善年如  
伯玉已無疵班衣迭舞壘篴奏慶衍箕疇岳降時

雨霽納涼和易堂韵

清晨綴朝班日昃就歸沐門靜可張羅心跡殊世  
俗園居十餘畝隨意自不孛積雨長莓苔石逕波  
詰曲雲霞弄夕姿映水光可掬蓴蓴菱苻蘋浮沉  
漂浸淥高樹噪新蟬濃陰聲斷續鳴鶴其在陰相  
和異凡族鴛鴦戢其翼有鶯尾斯禿會心魚鳥樂  
詎必在濠濮性復愛吟哦亦不較工琢芡汊通三



又繫舟堪縱目青蛙鳴兩部白鷺拳一足風荷正  
翩翩岸柳時起伏柴門臨水開茅亭倚山麓流杯亭

昔賢觴咏地此景疇能復試泉效文饒竊芻笑畢

卓攬衣登坡陀飛梁橫獨木少焉雲出岫驟雨風

翻谷彷彿米顛筆淋漓展大軸欹枕憇北窓瑤函

任意讀蝶粉褪花房饑鳥下堦啄蒹葭誦伊人棗

竹咏淇澳晚霽或仰觀月乃臨畢宿

宸衷切民瘼霖雨母過數畫登曷在木鴻漸幾于陸

但願十日晴歡忻聆部屋吾廬尙高廣深夏不知

燠維昔有佳名而今成卜築一水達御溝朝宗

愜所副佳章爲揚確一一可稽錄揆愷功查悔餘湯西崖諸集倡

和頗盛汪子擅風雅吟興肯教獨新詩曼球音何必

絲與竹松蔭臥桃笙清風來謾謾

題畫冊

垂楊拂漁磯遙映山湄嶠沽酒人未還輕舟風自

捩

白雲橫山腰亦復下山足著我松風亭石溜調葉

曲

明善堂詩集 卷之二十九 九  
結茅山之陲翠色圍窓蔭槭槭剪霜飈丹楓落已甚

危亭接太虛雲氣凌飛鳥振衣步層巔獨立人縹緲

山色翠微連閒雲遮復斷應識此中人長歌白石爛

和蔗洲韻

桃葉桃根往事悠含情眉黛迴添愁東風吹遍閑池館何處穠華掩翠樓

淡蕩輕陰料峭寒朝來風雨捲簾看殷勤翠袖餘香襲倚遍朱闌十二干

渡頭楊柳蘸波寒愁對王孫陌上看芳草有情緣底事綠茵如許繞江干

花貌爭傳似楚娃尋春踏遍小弓鞬細腰宮裡情何限紅雨朝朝拂玉階

偕秀厓上人易堂泛舟園中卽事次秀厓韻

東林結社幽應共遠公遊淡蕩追韋曲高吟效庾樓佳章麗雲漢機石志牽牛吸盡西江水云何折

葦舟

清景隨吾適紅塵任往來波涵池面綠山遠黛眉  
開境寂沙禽集雲閑野鶴猜還同休夏日三徑任  
蒿萊

瓶蘭

逸韵真吾友清芬斐几生軍持頻剪注伴我坐書  
城

蘭

九畹曾歌楚些數鼓却伴琴心點綴文窻幽景一

枝折贈知音

試插銅瓶置案頭綠窻朱戶最清幽知君香國稱  
王者末麗山梔總徹侯

瓶荷

亭亭泥不滓裊裊出華池折向清齋裡閒繡貝葉  
詞

荷

西子粧臨波鏡太真浴罷乘風綠鬢參差水殿紅  
肌掩映紗櫳

一朶千金綻露芳半含笑口半含香紅酥融頰嬌  
無語畢竟丰姿勝六郎

初秋早起池上

秋水秋山秋樹林秋風庭院景沉沉露凝花氣荷  
塘曉雲度松稍石壁陰已覺沈寥天宇迥漸看搖  
落塞垣深

將往木蘭

朱欄倚處情何限聽盡涼蟬斷續

吟

題李振文詩卷

李子清吟朗若秋西崑風調玉溪儔綠蘋擬薦湘

中草紅雨還憐扇底愁攬轡奚囊裁錦繡吐詞黃  
絹擅風流一編偶向齋頭見鄴下重推應與劉

冬夜有感

霜冷風嚴閉戶初焚香展卷在吾廬雞窠試檢新  
題句馬券重臨舊蹟書月吐疎林人寂寂夢回紙  
帳意如如年來漸覺耽禪悅積習還期一掃除

題蔣氏錢孺人節孝

卅載辛勤志不更松筠獨抱歲寒情漫同朗月憑  
虛淨何似澄江見底清課子真償夫夙願療姑那

惜婦餘生 鶴書褒顯垂千古誌乘爭看已勒銘  
對雪次易堂謝墨韻

天公玉戲施奇功竹枝捨地松蒙戎玉樓將頽銀  
海眩夢回警報趨山童披裘起玩風正厲霏霏細  
響來雙聰狂歌炙硯興正劇淋漓大筆何其雄粘  
簾入隙鋪玉屑梨花柳絮將無同林巒翠阜忽遮  
斷繪素頃刻煩天工阿誰狡獪偏好事形塩作狀  
光熊熊中庭琪樹勿剪伐高樓碧瓦增磨礱忽思  
前月居塞上衝寒射虎持雕弓銀驄注坂若飛練

白羽一發如星虹歸來作詩示汪子空拳白戰君  
難窮

和易堂長至前一日雪霽韻

萼梅初報一枝紅瑞雪清宵霽遠空風定綺窓寒  
凜冽月明雕檻玉玲瓏漸看繡線量初晷將試葭  
灰律轉融獨倚瘦藤閒指點昏黃樓閣淡雲籠

題盆中小松

低枝含古秀老榦欲凌空曾向金華見何來石盎  
中焚香疑霧靄照影寫蒙戎天矯南榮下迎寒敵

明言堂詩集  
卷之二十九  
三  
歲功

晤李振文孝廉示易堂

晴簷雀啅靜無塵  
忽訝南枝索笑新  
授簡庭中延蜀客  
巾車門外報嘉賓  
會吟老桂寒雲表  
更賦長楊獻紫宸  
彈指東皇花信至  
西園遲爾賞芳辰

和張雲汀冰床韻卽題其後卷

架木真同不繫舟  
平鋪霜影任遨遊  
憑河豈懼洪波渡  
載雪還疑夜月秋  
萬頃琉璃泛明鏡  
一夫牽挽踏寒流  
何須更索山陰棹  
訪戴因之興自悠

徜徉欹坐勝輕舟  
形似匡床可臥遊  
載酒最宜三尺雪  
乘風何待一帆秋  
燕南趙北紅塵滿  
楚尾吳頭碧玉流  
遙憶浮槎張博望  
冷吟閒醉興悠悠

明善堂詩集卷三十目錄

癸未

新正六日試筆

追和

紫瓊廿一叔紅橋別墅六景詩卽呈

經畚主人

杏花菴

雲渡橋

魚樂亭

芙蓉洲

來禽塢

烟月泚

二月八日外舅常公蒙

恩特授天津水師都統詩以誌賀

內大兄泊荷

恩命新除西安副都統之任詩以賀之

送外舅往鎮天津

紀行詩十六首

仲春請假恭往涑水展

祀出都望西山

過蘆溝橋

宿金氏山園

夜宿上樂村

清明前一日恭詣

王考寢園展祀

至先室山園

題張監山居壁

清明展祀訖散步郊垆

紫涼寺



至獨柳村傅氏廢園

過劉李河

再過弘恩寺

行圍

晚歸再宿金氏山園

遊古梁園 卽黑公別墅

展謁外氏祖太保藍公瑩兆

抵家

暮春移居

賜園喜而有作

望夜園居

種花

晚窓閒適二首

次韻鶴亭題余紀行詩卷

題畫木香花和

經畬主人韻

再至芳蔭別業

對月

入直歸喜雨

喜晴

閒步池上

和易堂西苑道中卽事

和易堂過高粱橋

園桃旣熟因分饋諸人咸以佳詠報余卽次

易堂韻用答品題之盛也

題敬亭春遊詩稿後二首

中秋後次敬亭韻索易堂和

秋柳五首

朱鑑塘首倡  
傅香林補圖

暮秋月下索醫士強彩章彈三弦歌吳詞二  
首

九日小雨次敬亭韻兼索易堂和

余素不喜作綺語而易堂亦深蠲往習昨閱

琪園李庶常戲贈詩六斷句未免見之心

喜因與易堂戲一效之不知其詞之艷也

此山谷老人所以受喝於一秀禪師耳

余閱內典有與濂溪紫陽之說相表裡者因

拈數偈以爲苾芻問答四首  
冬至和易堂感懷韻

明善堂詩集卷三十 癸未

新正六日試筆

昭陽逢協洽欣指玉衡東北極雲紉縵南山氣鬱  
蔥桃符懸戶外栢酒泛尊中明日靈辰屆金旛拂  
暖風

追和

紫瓊廿一叔紅橋別墅六景詩卽呈

經畬主人

杏花菴

明善堂詩集 卷之三十一  
春色鬧枝頭顛風落紅雨此是破滅禪試問菴中  
主

雲渡橋

一桁曳風裳閒雲忽凌亂俯矚水底天長吟過溪  
畔

魚樂亭

洋洋戲水魚一一煩神守俯檻兩相忘此樂吾何  
有

芙蓉洲

芙蓉遶芳洲夕陽雲錦絢翠扇擁紅粧亭亭止波  
面

來禽塢

別館構山坳四圍花木繞手榻硬黃書珍禽集樹  
杪

煙月泚

臨流結暝烟月出光瀰瀰宿鶩起圓沙影落菰蒲  
裏

二月八日外舅常公蒙

明善堂詩集 卷之三十一  
恩特授天津水師都統詩以誌賀

豹韜虎畧值嘉時 恩出扶桑任指揮垂老功名  
書竹帛丈人貞吉筮雄師雪濤乍捲飛舸艦海日  
初昇罄藿葵

簡命忽馳二百里願公矍鑠慰余思

丙大兄洎荷

恩命新除西安副都統之任詩以賀之

父子繼承

恩綸音下九閭函關封自固涇渭水同源世德傳家

遠英名宿衛存過庭忠是訓贈別復何言

送外舅往鎮天津

桓桓英銳擁旌旄祖帳青門氣象豪重寄海邦稱  
武庫威行甸服展戎韜鯨鯢浪偃昇朝蜃畫鷁潮  
迎湧巨鼇契濶三年歸又別那能無淚灑征袍

紀行詩十六首

仲春請假恭往涑水展 祀出都望西山

小隊馳平陸征衣着短袍鳥啼前郭柳人折野園  
桃蹠躑盤雲麓奔騰湧雪濤山家留信宿村酒慰

明言堂詩集 卷之三十一 三  
塵勞

過蘆溝橋

虹橋高跨據征鞍  
曉霧朦朧月影寒  
回首卅年重過此  
試將清淺問桑乾

宿金氏山園

策馬行行衣覺單  
到來山麓夕陽殘  
草堂一宿羣聲寂  
花映晴溪風月寒

夜宿上樂村

野火疎星古徑斜  
車箱入谷有人家  
不知春色餘

多少陌上東風吹李花

清明前一日恭詣

王考寢園展祀

山鳥啾嚶舞翠巒  
森森松柏碧烟寒  
省瞻園寢傷何極  
愧述公忠志未殫  
勳績煒煌陳典冊  
貽謀諄切勒于盃  
盤德音陟降清明日  
風木餘哀淚不乾

至先室山園

高塚悲風雨山前  
淚自揮一抔埋玉骨  
百歲冷霞衣鏡裡  
花光幻雲中月影微  
欲將琴寫意老僕促

歸歸

題張監山居壁

數椽以自適安分樂天全戶映青山色窻含野樹  
烟編籬遮藥圃抱瓮灌花田澹泊成真趣優游黃  
髮年

清明展

祀訖散步郊垌

柳暗花明丙舍峯迴水抱山園展

祀禮成初返

風光歷亂前村

紫涼寺

他鄉風景正清明水複山重信馬行人到花宮初  
寂靜僧依古木少逢迎豐碑漫漶前朝字新塔鐫  
題老衲名日照牛羊下來暮綠楊紅杏綴春耕

至獨柳村傅氏廢園

駸駸車騎水東回野杏山桃一路開廢圃荒涼誰  
是主任教風雨漫相摧

過劉李河

劉李河邊水誰憐送客勞那看爭渡者偏不畏驚  
濤

再過弘恩寺

古寺垂名久停驂喜再臨風旛參妙旨粥鼓靜塵  
心客至忘初地人傳昔布金山僧留偈別回首日  
西岑

行圍

搆矢彎弧羽翼排韓盧競逐響重鋤茲開脫手飛  
鳴鏑決起山禽傍馬來

晚歸再宿金氏山園

回望夕陽西東風趁馬啼青山留客住重到武陵

溪

遊古梁園

卽黑公別墅

燕南各地古城闌澄碧洲邊更少塵客醉天桃花  
作錦蝶迷芳草縟如茵春光駘宕留征轡風景晴  
和自可人一徑支筇立高阜輕舸誰繫綠楊津

展謁外氏祖太保藍公塋兆

豐碑何嶭業勲伐誌

興朝峻節遐方徧清名

國史標熊羆還繼美

外舅常公  
新授天津都統

鷹隼自騰超大



明言堂詩集 卷之三十一 六  
樹遺風在椒漿奠寂寥

抵家

陟屺臨風起思歌歸來春日正清和  
老親健飯  
兒心喜燈下歡迎笑語多

暮春移居

賜園喜而有作

賜園初補葺風雨芘

恩新柳待清明綠花迎上巳春龍池涵

舊澤鶴柴靜無塵休沐清娛地朝宗達絳津

望夜園居

廣望亭邊月滿輪試憑水檻足怡神詩翁昔日題

各地桃面依然作好春

園中六景皆紫瓊叔命名

魚泳荇波晴

撥刺鶴行花嶼影逡巡因思摩詰山居趣風定村

尤遠吠人

種花

雨餘生意足插槿作花垣芍藥分前圃芭蕉傍小  
軒折蘆扶弱質移石護靈根百卉霑天澤優游荷

主恩

晚窓閒適

開窓風景正相邀  
春色迎眸入望遙  
無數落花隨水去  
漁舸斜繫小紅橋

閣閣聲喧兩部蛙  
青蒲紅蓼茁新芽  
飯餘捫腹穿花徑  
策杖逍遙學道家

次韻鶴亭題余紀行詩卷

偶把遊鞭憶舊詩  
可知潘鬢異前時  
風情老大渾消減  
回首郵亭繫所思

題畫木香花和

經畬主人韻

素蕊清芬照暮春  
詩傳畫意更精神  
一枝移向青燈畔  
錯認名花當玉人

再至芳蔭別業

習靜偏宜首夏時  
水軒亭午漏聲遲  
虛窓四面好風入  
新漲半篙濃綠移  
學語燕雛驚我至  
忘機鷗侶不吾疑  
榻來萬慮清如洗  
目送閒雲心自怡

對月

恰逢三五夜  
風景正清和  
掩藹窓虛靜  
玲瓏樹影

明言堂詩集 卷之三十一  
多紅樓吹玉笛白紵緩徵歌別有澄懷處忘言奈  
樂何

入直歸喜雨

屬車精禱降龍潭步從勾陳 法駕參盡識

宸衷通

帝座漸看膚寸疊層嵐清塵浙瀝如膏滑潤物霏微  
比露甘瀑直歸來池上望穀紋新漲似揉藍

喜晴

雲銷翠巘喜初晴草木滋榮萬彙清魚咬萍開翻

細浪燕飛花落剪殘英鈎簾遠黛峯千點俯檻澄  
懷水一泓雨歇園林添霽色綠肥紅瘦不勝情

閒步池上

黯黯重雲將送雨風吹萍葉亂青錢扶疎新綠粘  
衣袂手決流泉溉菜田

山色遙臨聳黛螺徜徉風景足吟哦尋幽目送閒  
雲去步屨緣溪踏軟莎

和易堂西苑道中卽事

肩輿城外踏西坡十丈嵐光聳岌峩濃綠暗時鶯

明言堂詩集 卷之三十一 九  
語澁軟紅破處玉驄過薰風徐引朝曦爽甘雨初  
收霽色多幾處名園依淥水繚垣芳樹影婆娑

和易堂過高梁橋

苔色縈烟結綠沉紅欄亭子印波心飛梁跨水達  
青翰阿閣連雲栖綵禽謝客揮毫吟麗句遠公結  
社向東林秀厓昔住錫壽安院不晤者數月矣筍輿歸去垂楊岸幾  
點昏鴉度碧岑

園桃既熟因分饋諸人咸以佳詠報余卽次  
易堂韵用答品題之盛也

種自畿南呈異品

桃有數種出自畿輔地名白狼墩

年年摘實早

秋時分甘不獨家庭徧餘蔭還思世澤滋

樹德百年種此

已及兩世微物傾筐真不腆佳章滿壁可忘饑瓊瑤屬  
報非吾意靜誦當年抑誡詩

題敬亭春遊詩稿後

踏春佳句敬亭遊坐待流光又素秋明月清風兩  
無價筆床茶竈一扁舟  
秋菊春蘭各不同酒盃放浪墨初融牧之白也風  
流甚想見吟懷氣象雄

中秋後次敬亭韵索易堂和

肅肅商飈吹敗葉玉壺霜月明於雪萬里初看一  
鏡昇徹燭卷帷清景絕誰其泛舟作三弄老蛟起  
舞柯竹折浩歌雄談興正濃仰看飛鴻雲際滅摩  
箋授客夜未央落筆還同飛電掣長安年少縱輕  
肥老大如余嗤綵纈搔首西風嘆二毛手折松枝  
霏玉屑圓影空明色相俱潑永涼波滿飄瞥星漢  
橫斜宿鳥驚嘉會他年良可說解衣贈卿稍禦寒  
莫使老儒身似鐵夜深寒氣侵人  
余脫綈袍贈之

秋柳五首

朱鑑塘首倡  
傅香林補圖

搖曳靈和歲月深風枝露葉起清吟詩禪畫偈知  
多少點綴秋光無限心

西風憔悴晚涼天漸損蠻腰賸可憐黃葉有情依  
舞榭長條欲化楚宮烟

馳道如弦度陌阡秋園景物總堪憐永豐東北無  
人眇幾樹斜陽咽暮蟬

涼蟾疎影正離離銷盡章臺婀娜姿無復當年青  
眼在東鄰愁煞老蛾眉

明言堂詩集卷之三十一  
幾點昏鴉集暮寒綠陰委地劇凋殘直須更倩花  
奴手喚取陽和滿玉欄

暮秋月下索醫士強彩章彈三弦歌吳詞

國手年來慧業深丹楓黃葉感秋心相逢莫負霜  
天景阮撥吳歛搗好音

蕭蕭落木滿庭除璧月當空夜氣虛雅調清音歌  
七字吳江秋思洞庭初

九日小雨次敬亭韵兼索易堂和

蛩音斷續方在字細雨黃花滿庭戶西山嵐黛遠

迷離坐攬雲烟臨澹圃登高作賦負佳辰誰把茱  
萸勸酒脯龍山戲馬真英豪歎息風流足千古巡  
檐獨咏杜陵詩泥滑扶筇自撐拄冥鴻翅濕猶高  
飛萬里呼羣宿沙渚忽憶西窓讀易人閉戶瀟瀟  
獨聽雨

余素不喜作綺語而易堂亦深蠲往習昨閱  
琪園李度常戲贈詩六斷句未免見之心喜  
因與易堂戲一效之不知其詞之艷也此山  
谷老人所以受喝於一秀禪師耳

尺幅傳來黃絹詞鍾情不獨是蛾眉鳳池有客風  
流甚彩筆新翻楊柳枝

名花似貌貌如花弱體臨風裊裊斜翩若驚鴻心  
欲醉玉驄偏繫玉人家

何須佳麗擅揚州不解金貂醉玉樓却讓玉溪書  
小字爐香茗椀伴吟秋

檀槽合曲競紅粧回首新歡漸渺茫粉署無端傳  
七字斷腸不是杜韋娘

一串歌喉起棟塵雙蛾入鬢口朱勻人間真色知

多少別是當筵窈窕人

陶情詩酒兩相娛手蕪名香品鷓鴣寫罷烏絲剪  
紅燭輕寒入夜逼羅襦

余閱內典有與濂溪紫陽之說相表裡者因  
拈數偈以爲苾芻問答

不必論有無何會分爾我摧冰復爲水擊石乃見  
火

有相旣非真無相○中錯有無○中叅○⊕其誰  
作

妙理自真空真空本無著空著兩相忘夜半風前  
鐸

靉靆空中雲滅盡還復生雲生與雲滅不礙太空  
名

冬至和易堂感懷韻

風定旌竿夜漏稀香温獸炭列紅圍梅花香國信  
不遠鴻爪天涯遲未歸但覺一陽從地起已憑六  
琯候灰飛却憐佳節惜騰過懶撫瑤琴理素徽





